

四庫全書

集部

欽定四庫全書

集部

劔南詩藁卷三十一

詳校官庶吉士臣陳若霖

主事臣呂雲棟覆勘

總校官檢討臣何思鈞

校對官修撰臣戴衢亨

謄錄監生臣楊浚明

欽定四庫全書

劔南詩藁卷三十

宋 陸游 撰

五月十一日夜坐達旦

莫笑耽書不計年
寒儒業定幾生前
讀經今日韋編絕
作賦當時鐵硯穿
公路晚悲身至此
令威歸歎塚纍然
三更聽雨蓬窓底
又作鰥魚夜不眠

題陽關圖

誰畫陽關贈別詩斷腸如在渭橋時
荒城孤驛夢千里
遠水斜陽天四垂
青史功名常蹭蹬
白頭襟抱足乖離
山河未復邊塵暗
一寸孤愁只自知

新暑書事

城中五月汗霑衣
吾愛吾廬暑氣微
珍簟含風來遠餉
輕羅疊雪出鳴機
艾人當戶佳時過
筒黍堆盤舊俗非
漫欲題詩還嬾去
老來百事與心違

去歲葉正則餉
簟得以禦暑今年

驚事僅得五六

分遂辦暑服

時雨

時雨及芒種四野皆插秧
家家麥飯美處處菱歌長
老我成情農永日付竹床
衰髮短不櫛愛此一雨涼
庭木集奇聲架藤發幽香
鷺衣濕不去勸我持一觴
即今幸無事際海皆農桑
野老固不窮擊壤歌虞唐

示客

桑柘成陰百草香
縑車聲裏午風涼
客來莫說人間事
且共山林夏日長

南堂默坐

日日樹頭鴉鵂鳴
夜夜溪邊姑惡聲
堂中老子獨無語
寂然似可終吾生
大鵬一舉九萬程
下視海內徒營營
秋蟲春鳥非我類
何至伴渠鳴不平

夏日

燕子生雛梅子黃
斷雲殘雨過林塘
孤舟正作苓箬夢
九陌難隨襦襦忙
團扇興來閒弄筆
寒泉漱罷獨焚香
太平處處熏風好
不獨宮中愛日長

小酌

白髮蕭然海上村
猶能草草置清樽
今年項里楊梅熟
綠李來禽不足言

夏夜

露濕芙蓉冷月明
簷蔔香殘醉吹欲無
颼颼髮根涼豈
惟棄世事形影亦相忘
空憶南山下新秋射虎場

又

我昔在南鄭夜過東駱谷
平川月如霜萬馬皆露宿
思

從六月師關輔談笑復那知二十年秋風枯首霜

看鏡

凋盡朱顏白盡頭神仙富貴兩悠悠沙塵遮斷陽關路
空聽琵琶奏石州

又

七十衰翁卧故山鏡中無復舊朱顏一聯輕甲流塵積

不為君王戍玉關

馬正惠公喜功名每曰幸未甚哀若有邊警願預征行得良馬數足輕甲

一聯

足矣

明妃曲

漢家和親成故事萬里風塵妾何辜掖庭終有一人行
敢道君王棄顚顚雙馳駕車羌笛悲公卿誰悟和戎非
蒲桃宮中顏色慘雞鹿塞外行人稀沙磧茫茫天四圍
一片雲生雪即飛太古以來無寸草借問春從何處歸

思遠遊

我志日已衰詩亦無傑句正如隨翅鶴悵望遼海路雖
云須藥物幸未迫霜露裂裳裹兩踵此詩亦已屢嵯峨

青城雲慘淡
蟠冢樹秋風
吹短裘萬里入芒屨

太息

太息重太息
吾生誰與歸
那知暮景迫
但覺故人稀
避禍歸猶困
憂譏默亦非
今年貧徹底
擬賣舊漁磯

六月二十六日夜夢赴季長招飲

少城駿馬逐春風
二十年間萬事空
清夢都忘雙鬢改
繡筵還喜一尊同
烏巾掩冉簪花重
羯鼓敲鏗列炬紅
安得此歡真入眼
碧油幢擁主人翁

夜分不寐起坐園中至旦

涼氣蘇衰疾幽情入杖藜月驚孤鵲起天帶衆星西
松菊今彭澤山川古會稽清吟殊未愜喔喔已晨雞

露坐

此手乃可憐經月不把酒著書又苦晚何以圖不朽
空庭坐三更磊落垂北斗向來歷關河萬里空回首豈知
三十年竟作越中叟後生雖滿眼非復舊交友形體迫
衰謝妻子亦何有悵望懷古人吞聲死農畝

晨起

心安已到無心處
病去渾如未病前
晨起更知秋色好
一庭風露聽鳴蟬

散步東村

偶從北崦繚東崗
曳杖行歌踏夕陽
一徑入雲多鹿跡
數家臨水共漁梁
楚風蕭瑟知秋早
社酒淋漓喜歲穰
鄰曲不須憐老憊
尚能尋句答年光

早秋

涼颼淅淅撼庭柯
微雨瀟瀟集浦荷
草閣檐虛覺山近
蓬窓地迮得香多
謀身自拙窮無鬼
閉戶長閒睡有魔
臺省諸公盛冠劍
固應老子得婆娑

又

秋入房櫳夜漸長
紗厨笛簟怯新涼
螢光得意穿簾隙
桐葉知時拂井牀
世事本來誰得鹿
人生何處不亡羊
燈前笑向吾兒說
又過銅匱半篆香

又

落魄巴江號放翁斯名歲晚亦成空酒醒遙夜孤舟雨
睡美清秋一榻風駭浪千重無死地神丹九轉有新功
雲端不遇飛仙過誰顧幽人寂寞中

又

貂裘塵土憶東周瓜隴風霜隱故侯懶似老雞頻失旦
衰如蠹葉早知秋壺觴非復平生友歲月空添客子愁
病起筆端猶健在未妨揮灑賦登樓

七月二十一日午睡夢泛江風濤甚壯覺而有賦

夢中不記適何邦
風飽蒲帆入大江
久矣眼中無此快
蹴天雪浪濺船窓

幽居戲贈隣曲

莫年遠屏天所借
落佩倒冠如得謝
雖無壺酒助歌呼
幸有蠹書供枕藉
市聲不聞耳差靜
車轍掃空身轉暇
雨慳葵葉未吐甲
露重榴房初坼罅
深紅菱角密覆水
爛紫蒲桃重垂架
直令掩關避世俗
未害煎茶喚鄰舍
蕭蕭雞犬衡門晚
寂寂燈火幽窓夜
勸君切勿縱高談

性命如絲不禁嚇

遣興

失馬真成福移山未必愚故園三徑廢餘俸一錢無望
道心常渴觀書眼欲枯宦遊歸自好不必為蓴鱸

又

療飢惟恃粥動步已須人欲午猶支枕經旬不過鄰鵲
棲寒自穩鷗沒遠難馴莫笑謀身拙黃冠學季真

步至湖上寓小舟還舍

淒涼懷古地慘澹莫秋天紅樹秦馳道青山禹廟壩湖
風飄斷角墟日起孤烟老恨功名晚無人共著鞭

又

山居苦無事攜稚出門行酒賤逢人醉農閒到處耕巷
牛聽晚笛池鷺唼枯萍東望生秋興樓臺壓繚城

又

病墮支離境閒尋漫浪遊湖平天鏡曉山峭石帆秋賒
酒家家許看花處處留歸途倦扶杖却上釣魚舟

又

萬壑爭流地身閒得縱觀未能容蟹舍聊得寄漁竿遠
浦樵風急空山窅石寒跼蹐不知晚磔磔有歸翰

又

細浪隨搖櫂新涼入岸巾斷行初到雁空擔莫歸人漫
道貧非病誰知懶是真疎鐘起詩思迢遞度烟津

送王仲言倅泰州絕句

汝陰太史萬籤藏酸棗先生六世芳豹尾屬車留不住

却尋陳迹海陵倉

晁景迂與先太史有海陵唱酬

又

紫薇傑作傳千載物色分留待下車老病難陪曳裾客

因來時寄一行書

劉貢甫嘗為泰倅

醉中作

舴艋為家雲作友流年盡付樽中酒清獻穿林鸞鳳吟
草書落紙龍蛇走人間無復王景略千載風雲常寂寞
安得熊羆十萬師蹴踏幽并洗河洛

秋夜書感

闌干斗插酉慘淡河絡角開歲財屬爾草木忽搖落平生歷畏途赤手犯蛟鰐幸收垂盡日歸卧一丘壑鄉鄰怪此老骯髒尚如昨使無湖海寬朝市何處著諸公方衮衮一士要諤諤謀食古所羞終身美藜藿

八月三日驟涼有感

殘暑侵人畏汗霑清秋乍見月纖纖自燒熟火添香獸旋把寒泉注硯蟾佳客誤占螢入戶遠書空喜鵲鳴簷

悠然獨對清燈卧誰念柴門老病兼

俗以螢飛入室為有客至之兆

南堂與兒輩夜坐

殘暑初歸肺病蘇胡床清夜集前除風高木葉危將脫
月上天河淡欲無鵲影繞枝棲未穩荷盤擎露重相扶
淒然又起流年感兩鬢如蓬日夜枯

泛舟至魯墟

南蕩東陂弄夕霏葛巾鶴氅試秋衣纖纖新月迎船出
兩兩珍禽背水飛病思漸蘇開酒戒宦情已絕謝塵鞿

郊居是處堪乘興不怕城笳苦喚歸

園蔬薦村酒戲作

身入今年老囊從早歲空元無擊鮮事常作啜醕翁
有秋菰白羹惟野苽紅何人萬錢筋一笑對西風

雨夕排悶

買牛耕剡曲舉世笑迂踈流落愈憂國衰殘猶讀書
滔安稅駕耿耿獨愁余破屋秋多雨情懷用底攄

又

烟雨暗郊墟，頽然卧草廬。
蟲喧夢回枕，燈伴讀殘書。
短褐頻關念，荒畦久廢鋤。
更堪湖水漲，累日食無魚。
魚不可捕
湖水分則

雨中作

社瓮醅香燕子歸，陰風吹雨暗郊扉。
疏溝園叟方攜鋤，采藥蠻童已濕衣。
山雉尾垂衝靄去，水雞翅重蹋波飛。
憑欄一笑君知否，肺渴秋來勢漸微。

讀易

揖遜干戈兩不知巢居穴處各熙熙
無端鑿破乾坤秘禍始羲皇一畫時

郊行夜歸有感

小市歌呼散幽人悄獨行
斷鴻沙際冷重露草根明
信古癡常絕酬恩命本輕
還家掩屏卧衰涕浩縱橫

醉歌

三十六策醉獨奇竹林諸公端可師
秋風蕭蕭吹鬢絲蟹螯正可左手持
醉倒村路兒扶歸瞠目不識問是誰

浩歌起舞夜何其北斗磊落明河移貴人惜醉渠自癡
黃金絡馬誇市兒一朝禍來莫支持新州如山不可移

買酒

放翁病起不禁愁買酒看山自獻酬八月吳中未搖落
誰令衰鬢早知秋

秋雨歎

淙淙雨聲瀉高秋稻梁浸爛雨不休志士仁人萬行淚
孤臣孽子無窮憂一身窮困未暇恤如此無事理有不

聖言古訓舉不驗簡編可用汗馬牛嗚呼有粟吾得食
夜睡何時得安席我生猶及宣和年建炎以來身所歷
高皇一言感天地盜賊千羣掃無迹疽囊雖慘固可醫
誰為聖代施鍼石

憂國

恩許還山已六年誓憑耕稼餞華顛養心雖若冰將釋
憂國猶虞火未然議論孰能忘忌諱人材正要越拘攣
羣公亦采芻蕘否貞觀開元在目前

夜意

居家元是客在俗亦如僧
點滴檐間雨青熒帳外燈
壯心終蹭蹬去日捷飛騰
不及寒沙雁來時下杜陵

大風雨中作

甲寅八月二十三日夜

風如拔山怒雨如決河
傾屋漏不可支窓戶俱有聲
烏鳶墮地死雞犬噤不鳴
老病無避處起坐徒歎驚
三年稼如雲一旦敗垂成
夫豈或使之憂乃及躬耕
鄰曲無人色婦子淚縱橫
且抽架上書洪範推五行

題齋壁

閉門無事不勝閒
心境超然一室寬
香岫火深生細靄
硯池風過起微瀾
睡餘但欲依書几
坐久還思弄釣竿
擾擾平生成底事
鏡湖歸隱老黃冠

又

手劖雲根結草廬
平生心事滿無餘
二升菰米晨炊飯
一椀松燈夜讀書
天理直須閒處看
人謀常向巧中疎
烟波有趣君知否
裂網伸鉤也得魚

窮途

窮途多感慨老境少知聞酒裏閒消日書中自策勲全

軀希碌碌掃軌厭紛紛每愧吾鄉老頭童念致君

先友傳公

給事莫年髮脫每酒酣脫
憤覽鏡歎曰吾其已乎

貧病

行年七十尚攜鉏貧悴還如白紵初好事鄰僧勤送米
過門谿友強留魚客來旋過墻頭酒睡起閒抽架上書
要信榮枯元不動胷中浩浩著空虛

秋晚

春粳入甑香炊玉壓酒鳴槽滴碎珠
甲第朱門漫豪侈
山家風味定應無

又

新築場如鏡面平家家歡喜賀秋成
老來懶惰慚丁壯
美睡中聞打稻聲

又

秋菰出水白於玉寒齋繞牆甘若飴
正是長齋豈不可

凜然大節固難移

又

竹竿坡面老別駕飯顆山頭瘦拾遺自古詩人例如此
放翁窮死未須悲

山村書所見

老枳垂藤晝常黑雛鷃聲作嬰兒啼伐薪歸來遇急雨
石路下山如踏梯

又

荒坡茫茫牧牛童
扳角上背捷如風
腰間一枝搢枯竹
橫吹短笛過村東

三年前與兒輩步過東涇小嶺得勝處可營別墅
貧不能成偶復至其地悵然有感

前年度嶺踏斜陽
曾卜松陰置草堂
只倚氣吞雲夢澤
竟無錢買雪堆莊
烟脂菱角空頻摘
火齊楊梅已再嘗

事不如心居十九往來常羨捕魚郎

山多楊梅有合抱者下臨鏡湖皆菱

蕩

園中秋夕

季秋哉生明風露正淒冷放翁澹無事樂此清夜永飢
鷹棲不穩勁翅起東嶺湖邊千樹柳何處寄幽影人生
寓宇內俯仰一炊頃此心無媿負簞食均五鼎許身輩
稷卨終亦輸箕顓天風倘可乘采蓮登玉井

秋晴每至園中輒抵莫戲示兒子

老翁七十如童兒置書不觀事遊嬉園中壘瓦強名塔
庭下埋盆聊作池青蒲紅蓼共掩映病棕瘦竹相扶持

衰頹已作老驥卧來往尚如黃犢馳但知身存百無害
莫問老健能幾時汝勤挾策乃堪笑且共飯豆羹秋葵

醉睡初覺偶作

小圃醒還醉幽窓起復眠虛明炷香地清潤劖花天老
去才雖盡窮來志益堅阿瞞那可語平日笑橋玄

汪茂南提舉挽詞

學已三冬富書猶萬卷藏名場雖躋蹬朝論極揄揚小
試袴襦詠遂辭鸛鷺行秋風九原路挽鐸倍淒涼

又

往者紹興末江淮聞戰輦上流煩舊德下客辱深知陳

迹成今古追懷每涕洟郎君雖不識撫事亦增悲

先相公督

師荆襄游首蒙招致幕

府會留樞屬不克行

謝徐居厚汪叔潛攜酒見訪

我雖生亂離猶及見前輩衣冠方南奔文獻往往在幸

供灑埽役迹忝諸生內話言猶在耳造次敢不佩殘年

趨死近孤學與時背妄出更何求終老事耕耒史君稽

古學力大障橫潰廣文亦偉士名字震當代同舟肯過
我凜與前修配憂時抱忠鯁論事極慷慨嗟予雖益衰
耳目幸未廢何當卜鄰牆早莫聆謦欬

喜鄭唐老相過

鄭子有書癖對書百事忘頭亂不暇櫛鬢冷不暇嘗持
此金石心力求古文章吟哦屈宋作蚤夜聲琅琅方揮
却日戈恥窺及肩牆不見今六年所得非復常扁舟夜
過我劇論神激揚徐出二三篇梯米於太倉已足起衰

懦黑絲生鬢霜使得盡見之殆可鍼膏肓願子繼自今
勿惜傾錦囊因來數為寄歲晚慰所望

秋晚散步門外

栗里歸栽菊青門隱賣瓜羸軀病天色衰鬢怯年華野
曠鳥聲樂溪清雁影斜門前秋潦退也擬築堤沙

潦水
壞道

數丈方與鄰

曲共修之

寄徐秀才斯遠并呈莊賢良器之

徐子作別十年餘無人可寄一紙書閒門美睡畏剥啄

自怪一念常關渠西風蕭蕭吹槁葉秋光正滿蝸牛廬
讀書易倦出無友撫几愴怳空愁予蜀莊之孫住南郭
亦復迹遠非情疎何時同載過老子共飯赤米羹青蔬

閒中

閒中高趣傲羲皇身卧維摩示病牀活眼硯凹宜墨色
長毫甌小聚茶香門無客至惟風月案有書存但老莊
問我東歸今幾日坐看庭樹六番黃

秋霽

驅除雲霧極知難，敢意天公不作慳。
汛埽中庭待明月，攀躋危榭望青山。
取琴理曲茶烟畔，看鶴梳翎竹影間。
不為新晴宜著句，擬將幽事破除閒。

晨起

晨起梳頭拂面絲，行年七十豈前期。
此生猶著幾兩屐，長日惟消一局棋。
空釜生魚忍貧慣，閒門羅雀與秋宜。
區區名義真當勉，正是先師戒得時。

筌篴謠二首寄李長少卿

庭樹非不榮霜霰萬葉枯朋友豈我棄漸遠勢自疎中
夜起太息發篋覓舊書塵昏蠹蝕損行缺字欲無一讀
色已變再讀涕淚濡卷書置篋中寧使飽蠹魚

又

少壯離別時回顧日月長會合終有期何恨天一方我
齒如敗屐君髮如新霜餘日復幾何萬里遥相望欲泣
老無淚欲夢不可常寄書何時到江漢春茫茫

悶極有作

貴已不如賤狂應又勝癡新寒壓酒夜微雨種花時堂
下藤成架門邊枳作籬老人無日課有興即題詩

自詠

常記當年入洛初華燈百萬擲搏捕平生意薄刀筆吏
投老身為山澤臞已罷向空書咄咄尚能擊缶和鳴鳴
今朝客至無尋處正伴園丁劚芋區

夢范參政

夢中不知何歲月長亭慘淡天飛雪酒肉如山鼓吹喧

車馬結束有行色我起持公不得語但道不料今遽別
平生故人端有幾長號頓足淚迸血生存相別尚如此
何況一旦泉壤隔欲懷雞黍病為重千里關河阻臨穴
速死從公尚何憾眼中寧復見此傑青燈耿耿山雨寒
援筆詩成心欲裂

乞奉祠未報食且不繼

富貴常求繫日繩
既窮却羨棄家僧
強顏始覺貧為害
對鏡方嗟老可憎
出戶風霜欺短褐
讀書父子共昏燈

聖師夢奠二千載一卷遺言終可憑

山寺

信步得佳寺入門吹斷香林深栗鼠健屋老瓦松長弔
古增悽愴憑高寄慨慷勿勿興未盡新月映方塘

太師魏國史公挽歌詞

早擅淵源學常懷懇款忠雲龍際千載典冊冠三公論
諫寧中止謀謨不苟同此心誰復識志士泣秋風

又

位歷公卿貴身兼將相榮珥貂儀一品錫帶價連城入
告惟忠厚躬行本志誠斯民何以報萬里徧春耕

又

道德補天石勛勞夾日龍犯顏無不盡造膝略皆從歲
貢來戎幣秋防滅塞烽畫圖麟閣上猶足折遐衝

又

舊弼初收召惟公力贊揚都亭移供帳全魏徹封疆大
度寧猜阻羣言自中傷拳拳虛左意猶可質穹蒼

公初
板附

即力薦張忠獻公於壽王如賜館都亭驛起封魏國公皆公密奏且嘗乞用張公為首相而已佐之

又

壠干勞久成大將未班師抗議回天意忘身為聖時人

心嶮莫測時事遠難知汗簡方傳信孤生欲語誰

吳璘
戊德

順軍師老欲還不敢自請公為相啓其情即力請班師西鄙賴以無事後議者乃指公為棄地公不辨也

三峽歌

乾道庚寅予始入蜀上下三峽屢矣後二十五年歸耕山陰偶讀梁簡文巴東三峽歌感之擬

作九首實紹熙甲寅十月二日也

神女廟前秋月明
黃牛峽裏莫猿聲
危途性命不容恤
百丈牽船侵夜行

又

不怕灘如竹節稠
新灘已過可無憂
古粧戢戢一尺髻
木盞銀盃邀客舟

又

十二巫山見九峯
船頭彩翠滿秋空
朝雲暮雨渾虛語

一夜猿啼明月中

又

錦繡樓前看賣花
麝香山下摘新茶
長安卿相多憂畏
老向夔州不用嗟

又

險詐沾沾不媿天
交情回首薄如烟
東遊萬里雖堪樂
灩澦瞿唐要放船

又

蠻江水碧瘴花紅
白舫黃旗無便風
涪萬四時常避水
棚居高出亂雲中

又

亂插山花簪子紅
蠻歌相和灤西東
忽然四散不知處
踏月捫蘿歸峒中

又

萬州溪西花柳多
四鄰相映竹枝歌
問君今夕不痛飲
奈此滿川明月何

又

我遊南賓春莫時蜀船曾繫挂猿枝雲迷江岸屈原塔
花落空山夏禹祠

十月三日泛舟湖中作

桑落可釀酒草枯可呼鷹平生當此時意氣十倍增即
今境界別千錢買短篷鏡湖三百里往來寒日中小甌
炊彫胡玉食無此美卧聞水鳥聲世念去如洗知此恨
太晚享此恐不足南山忽已昏更就漁村宿

早行

寒漏參差斷晨雞次第鳴
匆匆半枕夢草草一盃羹
澤國多逢雨閒人不計程
雲間出寸塔迎我有餘情

晚泊

樓上鳴鳴角橋邊點點燈
聚沙新到雁趁渡獨歸僧
日隱山光暗天低海氣蒸
居人笑老子醉髮亂鬢鬢

遣懷

莫年世事轉悠悠
攬涕悽然類楚囚
不道渾無排遣處

病觀周易悶梳頭

舟行戲書

世事無窮膏火煎，羈魂病骨久羸然。
覺時不及夢差樂，死去始嗟生可憐。
慷慨知非請纓日，推移忽及挂冠年。
揚帆海浦差強意，卧看秋濤蹴遠天。

劔南詩藁卷三十

欽定四庫全書

劔南詩藁卷三十一

宋 陸游 撰

久雨

黃葉雨中盡飢鴻烟際來時艱歲仍惡身死病相催西
埭無行路南山有疾雷囊空罷沽酒一醉轉悠哉

偶得長魚巨蟹命酒小飲盖久無此舉也

老生日日困鹽齏異味援魚與楮雞敢望槎頭分縮項

金史卷三十一
卷三十一
況當霜後得團圓，堪憐妄出綠香餌。尚想橫行向草泥，東嶠夜來梅已動。一樽芳醞徑須攜。

泛舟湖山間有感

我似人間不繫舟，好風好月亦閒遊。歸來華表千年鶴，滅沒烟波萬里鷗。歲晚客貂那復歎，時艱嫠緯未忘憂。野人只欲安耕釣，江左夷吾可見不。

望永思陵

綠衣迎拜屬車塵，草木曾霑雨露春。三十五年身未死，

却為天下最窮人

又

盱食憂民宴樂疎太倉幾有九年儲賈生未解人間事

北闕猶陳痛哭書

紹興庚辰辛巳間游
屢貢瞽言畧蒙施用

糟蟹

舊交髯簿久相忘公子相從獨味長醉死糟丘終不悔
看來端的是無腸

霜夜

梅花欲動夢魂狂
橙子閒搓指爪香
莫怪草堂清到骨
一梳殘月伴新霜

又

黃甘磊落圍三寸
赤蟹輪囷可一斤
更喚東陽麴道士

與君霜夜策奇勳

時東陽餉酒

又

澹月窺窓似有情
更堪梅影向人橫
放翁不受天魔惱
獨擁青氍睡到明

書室明暖終日婆娑其間倦則扶杖至小園戲作

長句

放翁老手竟超然俗子何由與作緣
百榼舊曾誇席地一窓今復幻壺天
夢回橙在屏風曲雨霽梅迎拄杖前
吾愛吾廬得安卧笑人思穎憶平泉

李衛公憶平泉山
居歐陽公思穎詩

皆數

十篇

又

美睡宜人勝按摩江南十月氣猶和
重簾不卷留香久

古硯微凹聚墨多月上忽看梅影出風高時送雁聲過
一杯太淡君休笑牛背吾方扣角歌

初冬

老客人間百事慵樂哉閉戶過今冬朝爐獸炭騰紅焰
夜榻蠻氈擁紫茸蝟刺圻蓬新栗熟鷺雛弄色凍醅濃
題詩正自消閒日本不爭先萬戶封

買履

一雨三日泥泥乾雨還作出門每有礙使我慘不樂百

錢買木屐日日繞村行東阡與北陌不間陰與晴青鞋
豈不佳要是欠耐久何當踏深雪就飲湖橋酒

十月晦日作

藤疎不覆架桐落欲平溝閏歲風霜晚衰年日月適觀
書方坐石把釣又登舟不是無羈束閒人得自由

贈道友

凡骨已蛻身自輕勃落葉上行無聲華陰市樓醉舞罷
却上蓬峯看月明

又

憶在長安爛漫遊大明宮闕與雲浮今朝偶上慈恩塔

北望芒芒禾黍秋

唐舍光殿與慈恩塔南北相直

又

當時辛苦學長生準擬中原看太平今日醉遊心已足

一瓢歸去隱青城

又

三盃兀兀復騰騰服氣燒丹總不能借問生涯在何許

孤舟風雨伴漁燈

又

零落殘碑草棘中
北邙蕭瑟又秋風
舊時憶在鷓鴣行裏
幾見宣麻拜相公

示子聿

儒林早歲竊虛名
白首何曾負短檠
堪歎一衰今至此
夢回聞汝讀書聲

老境

平生百不遂惟有老如期眼澀觀書夜心衰把酒時僧
分新掘藥客誦舊題詩四十年前我回看定是誰

予所居三山在鏡湖上近取舍東地一畝種花數

十株彊名小園因戲作長句

出郭西南十里過小園風月得婆娑翠屏三扇恰相倚
玉鏡一奩誰為磨投鐏未嫌衰鬢白插花聊喜醉顏酡
耶溪更盡青鞋興免使將軍怒脫靴

被命再領沖佑有感

殘骸日益衰晨夜抱疾痛地爐得微火終日不憊動讀
書成舊癖今但坐作夢未能追鴻冥乃復分鶴俸風霜
舍邊柳合抱皆手種眼中人盡非欲話誰與共

冬夜戲書

東歸剡曲寄彷徨閒日雖冬亦自長梅瘦有情橫淡月
雲輕無力護清霜長魚通印鹽花白珍鮓披絛麴糝香
一飽喟然還自憫彊顏垂老食官倉

又

將挂衣冠彊小留期年畢竟是歸休青瑣獨擁欺霜夜
濁酒頻傾洗客愁鶴影冷翻丹井月雁聲遙帶玉關秋
一生自笑閒中過不為功名也白頭

又

老樹霜餘已盡紅縱橫落葉滿庭中一鉤澹澹西南月
萬鼓憑憑東北風賒酒每慙添舊券讀書何計策新功
蓬窓坐睡摧頰甚隔竹敲茶賴小童

幽居

落葉紛可掃幽花寒自開
困空無雀噪門靜有僧來
孤學時方棄窮途勢莫回
呼兒了租賦莫待縣符催

又

雨霽雞栖早風高雁陣斜
園丁刈霜稻村女賣秋茶
缺井磨樵斧枯桑繫釣槎
客來那用問此是放翁家

送蘇召叟秀才入蜀效宛陵先生體

士勇赴知己義重身固輕
尊公況有命子得辭此行
結廬出門去迢迢過蠻荆
沂江卜風色入峽聽猿聲
萬里

一紙書南寄孤雁征山陰在何處計子難為情願言早
來歸鄰曲當出迎樣舟柯橋市一榼手自傾

寄題哲上人漫堂

老子從來任運行愛君堂以漫為名北邙大有英雄骨
枉用工夫過一生

冬夜獨酌

寒水茫茫漫月明疎鐘杳杳帶霜清一樽濁酒有妙理
十里荒雞非惡聲物外雖增新跌宕胸中未洗舊崢嶸

頽然坐睡蒲團穩殘火昏燈伴五更

夜坐燈滅戲作

冷飯黃齏傲太平鬢絲原不為愁生忽因燈死得奇觀
明月滿窓梅影橫

艾如張

錦膺繡羽名山雞清泉可飲林可栖稻梁滿野棄不啄
雖有奇禍無堦梯東村西村烟雨晚蕭艾離離林薄淺
翩然一下駭機發汝雖知悔安能免漢家天子南山下

萬騎合圍窮日夜犬牙鷹爪死不辭觸機折頸吁可悲

上之回

咸陽宮闕天下壯五更衛士傳雞唱重門洞開鑾駕出
回中更在雲霄上雲霄一路蟠青冥車聲隱驂馳雷霆
宓妃穿仗王母下何必軒皇居大庭君王遊幸無終極
萬年盡是歡娛日文成已死方不讎茂陵松柏秋蕭瑟

雜詠園中菓子

不酸金橘種初成無核枇杷接亦生珍產已從幽圃得

濁醪仍就小槽傾

又

漿石榴隨餽作節蠟櫻桃與酪同時兩枝偶向池邊種
可喜今年墜折枝

又

架垂馬乳收論斛港種雞頭采滿船龜鼎若為占食指
麴車未用墮饒涎

又

山杏谿桃本看花
累累成實亦堪誇
鹽收蜜漬饒風味
送與山僧下夜茶

閉戶

聲利能令智者愚
放翁閉戶養迂疎
地爐枯葉夜煨芋
竹筴寒泉晨灌蔬
徇俗不如翻著襪
愛山只合倒騎驢
今朝更有欣然處
萬里知心一紙書

蜀兵來得張季長
歸唐安江原書

又

冠蓋長安幾番新
放翁只似向來貧
滿窓紅日價無敵

半榼新醅香動人宴坐心光無蔽障
眠踵息自清勻
世間不用詢名字身是無懷上古民

連日大寒夜坐復苦飢戲作短歌

翁飢不能具小飡兒凍何由成
複禪藏書充棟讀至老
固願少出蘇黎元念當萬事度可否肯使一恨彌乾坤
古來賢達多晚謬千載遺笑綺與園老翁肝心等鐵石
他年骨朽此固存村沽雖薄亦取醉起看江月傾金盆

園中對酒作

偃僂衰翁雪滿顛
愛花耽酒似當年
雖無錦帳七十里
也有青銅三百錢
數掩竹籬分小徑
一泓沙井貯寒泉
栽紅接白株株活
坐擁春工大半權

孝宗皇帝挽詞

大道本生知崇高
志不移凝神超事物
觀妙極希夷訪
藥三山遠遺弓萬國悲
神孫昔鍾愛天作太平基

又

代邸膺圖日臨朝
涕泗橫誠心非外飾
至孝化羣生高

廟聯龍袞思陵接柏城平生奉親意一理貫幽明

又

便殿諮詢早深宮宴樂稀欲頒傳位詔猶索未明衣壽
損名方永身癯國愈肥孤臣泣陵柏心折九虞歸

小兒入城

小兒破帽出求師老父寒爐夜畫詩不耐青燈寫孤影
聊呼薄酒慰長飢我今僅守詩書業汝勿輕捐少壯時
但恨北風如許惡湖橋歸路想流澌

夜坐

萬螳披書卷孤螢引篆香
病思無事樂老悔少年狂
南渡衣冠盛西征道路長
如今俱夢破高枕看人忙

又

葉盡木無聲天高夜自明
映窓燈半滅掠野雁孤征
瓦裂人間事雲浮身後名
惟應托長鏡寂寞送浮生

縱筆

情游不能耕心愧新春白
敝茅三間主人終勝客

又

朝士腰下黃山僧鼻端白放翁俱笑汝飽飯作閒客

又

溫溫地爐紅皎皎紙窓白忽聞啄木聲疑是敲門客

又

雪晴蓼甲紅雨足韭頭白雖無萬錢具野飯可留客

又

小兒勿大勤使汝髮早白長為南畝民殊勝東閣客

卷三十一
郊行夜歸書觸目

老翁病起厭端居隨意東西不問途
霜野草枯鷹欲下
江天雲濕雁相呼空垣破竈逃租屋
青帽紅燈賣酒爐
未畏還家踏泥潦園丁持炬小兒扶

閉戶

老人閉戶動經月嬾就東家借蹇驢
身後有名豈如酒
體中不佳聊讀書秦王開圖見匕首
漢相徇市載厨車
人間憂怖古如此莫怪荒畦常荷鋤

十一月五日夜半偶作

草徑江村人迹絕
白頭病卧一書生
窓間月出見梅影
枕上酒醒聞雁聲
寂寞已甘千古笑
馳驅猶望兩河平
後生誰記當年事
淚濺龍牀請北征

晴和出游湖山間

日出氣稍和
呼船渡烟津
微風西南來
水面生魚鱗
適此一日佳
聊娛百年身
捋鬚俯船舷
一笑彼何人
閨餘春事早
已覺陽和新
梅花處處開
幽香襲衣巾
久病喜

我出問訊傾鄉隣舟回不須速看涌白玉輪

病思

賣劒還山學老農不堪衰與病交攻將軍閉戶方鋤菜
處士攜家欲賃舂殘齒彊留終脆晚病腰扶拜苦龍鍾
壯遊誰信梁州日大雪登城望夕烽

寄子虞

老自安故鄉況復觸罪罟五年三奉祠每請幸聽許貧
家似破屋隨事且撐拄雖殊乞墻肉已近掘野鼠平生

膽力薄不敢犯張禹有時一言失恐懼氣如縷念此思
挂冠白首冀安處吾兒哀乃翁歲暮忍羈旅何時得斗
粟歸舍聊共煮便草北闕書乞骸歸卒伍

紙閣午睡

紙閣甑爐火一炊斷香欲出礙蒲簾放翁不管人間事
睡味無窮似蜜甜

又

黃紬被暖青氈穩紙閣油窓晚更妍一飽無營睡終日

自疑身在結繩前

夜分復起讀書

愁極不成寐起開窓下書似囚逢縱釋如瘡得爬梳
燈火夜過半風霜歲欲除平生濟時意却作愛吾廬

效蜀人煎茶戲作長句

午枕初回夢蝶牀紅絲小磴破旗槍正須山石龍頭鼎
一試風爐蟹眼湯巖電已能開倦眼春雷不許殷枯腸
飯囊酒瓮紛紛是誰賞蒙山紫筍香

書逆旅壁

百憂襲莫年懷抱日騷屑雖云歸故鄉何異萬里客窮
冬迫寒餓凜有在陳厄駕言適近村慘慘天欲雪人沽
村市酒馬齧山坡麥旅炊雜沙土得飽何暇擇手皸若
龜兆面槁無人色士窮自其分所幸全大節功名已甌
墮身世真瓦裂不學玉關人飢鷹方夜掣

嬾趣

謝病掩柴荆年來嬾趣成舌根茶味永鼻觀酒香清已

矣馳驅息悠然磊砢平高眠得三昧夢斷已窓明

閒中富貴

要信人生各有緣閒中富貴亦關天綠窓靜對千梢竹
翠竇新疏一脉泉愛百衲琴常鎖匣買雙鈎帖不論錢
箇中得意君知否不換金貂與玉蟬

又

天為疎慵剩與閒一菴青嶂白雲間衲僧過別歸廬阜
羽客來尋說華山冬筍生林龍觺觺寒泉落磴珮珊珊

俗人自是無因到雖設柴門不上關

書近況寄蜀中道舊

遺事復遺榮空齋一榻橫宿醒投未正新句鍛初成山
崦傳梅信天窓送雪聲戲題勻碧紙遣鶴報青城

醉中自贈

富貴猶宜早退休一生齟齬更何求賦形未至欠壬甲
語命寧須增斗牛粟里收身貧亦樂平陵埋骨死無憂
狂歌醉舞真當勉剩折梅花插滿頭

明日自和

二頃元知未易求不如馬磨學文休正令未死有幾日
那得殘年叢百憂霜野挾弓朝射雁烟陂吹笛莫呼牛
興來醉倒尋常事莫信兒童笑白頭

雪中至近村

荒山風雪歲將殘貸粟迢迢犯苦寒急燎征裘憩牛屋
旋沽村酒挂驢鞍清貧徹骨初無憾老健逢人強自寬
深夜還家未能睡解囊吹火取詩看

歲莫感懷以餘年諒無幾休日愴已迫為韻

昨莫送客歸短櫂過魯墟故廬有遺趾青山遶牆隅桑
竹雖鬱然舊植已無餘瓦礫不可求而況屋壁書繫舟
問隣人搔首久躊躇行當挂朝衣躬耕返吾初

又

我家釋耒起遠自東封前詩書守素業蟬聯二百年長
老日零落念之心惕然每恐後生輩或為利欲遷我少
亦知學蹭蹬及華顛訟過豈不力壽非金石堅

又

我壯已早衰晨鏡每惆悵藥物姑自持耆老曷敢望造物有乘除貧悴博無恙歸鄉更多感朋舊盡凋喪客來多避席謂我丈人行此意詎敢忘報子以直諒

又

士生始志學固為聖人徒人人可稷禹世世皆唐虞仰事與俯育治道無絕殊孔孟之所傳世俗顧謂迂申韓尚刻薄老莊競虛無爾車非不良蓋行九軌途

又

江左謝太傅高卧頗自喜東山豈不佳惜也終一起阿
堅偶自敗元子亦適死區區疑謗中勲業端有幾當時
嘲小草雖戲實中理所以山中人至今笑園綺

又

家世本無年甲子近一周小子獨何幸七十今平頭往
者收朝迹亟欲求歸休厚恩許奉祠得祿歲愈憂三釜
不及親顧為妻子留何由洗此媿欲挽天河流

又

高皇昔中興風雨躬沐櫛一士未嘗遺萬里皆馳日廉
聽闢言路虛懷詢得失孤臣實草芥亦獲對宣室龍顏
宛在目德不報萬一橋山松柏寒淚盡史臣筆

又

王師宿梁益行臺護諸將腐儒忝辟書萬里至渭上旌
旗照關路風雪暗戎帳堂堂鐵馬陣疊疊木牛餉誰知
骨相薄空負心膽壯回首二十年撫事增悲愴

又

在昔祖宗時風俗極粹美人材兼南北議論忘彼此誰
令各植黨更仆而迭起中更干戈禍此風猶未已臣不
難負君生者固賣死儻築太平基請自厚俗始

又

井地以養民整整若碁畫初無甚貧富家有五畝宅哀
哉古益遠禍始開阡陌富豪役千奴貧老無寸帛困窮
禮義廢盜賊起威迫誰能講古制壽我太平脉

桐江哲上人以端硯遺子聿纔寸餘而質甚奇天
將雨輒先流泚予為效宛陵先生體作詩一首
吾兒得巖硯其徑甫踰寸奇哉掌握物乃有琮璧潤器
寶備才德初不以形論汝能志山林懷之可嘉遜

立春前三日作

春近寒尤苦先生不下堂烏皮蒙膝几白拂挂禪牀書
架斜斜設梅花細細香悠然睡還起已覺日微長

贈應秀才

過宋不見元城公渡淮不見陳了翁當時人人皆太息
至今海內傾高風老夫七十居鄉縣齷齪龍鍾何足見
辱君雪裏來叩門自說辛勤求識面我得茶山一轉語
文章切忌參死句知君此外無他求有求寧踏三山路

春耕

今年液水滿西疇父老人人卜有秋只要耕犁及時節
裹茶買餅去租牛

首春連陰

入春十日九日陰積雪未解雨復霽西家船漏湖水漲
東家驢病街泥深去秋宿麥不入土今年米貴如黃金
老嫗哭子那可聽僵死不覆黔婁衾州家遣騎餽春酒
欲飲復止吾何心出門空歎歲華速已見微綠生高林

夜坐

衰翁不出門歲月過電電窓明地爐煖袖手坐寂寞可
憐瓶中梅爛漫幾開落小園亦數樹曾未破一萼三更
北風急雨雪恐復作且當勤舉杯莫恨浮蟻濁

新春

老境三年病新元十日陰疎籬枯蔓綴壞壁綠苔侵憂
國孤臣淚籌邊壯士心吾非兒女輩肯賦白頭吟

得季長書追懷南鄭幕府慨然有作

從戎昔在山南日彊半春光醉裏銷綠樹啼鶯窺帽影
畫橋飛絮逐鞭梢花經小雨開差晚笙怯餘寒澀未調
惆悵流年又如許羈魂欲仗楚詞招

正月十一日夜夢與亡友譚德稱相遇於成都小

東門外既覺慨然有作

當年與子別江干
漸老心知後會難
豈料今宵清夢裏
東門交轡說春寒

送陳吏部還朝

邂逅稽山許攬鬚
塵埃時得近冰壺
不辭我老雞豚社
且喜公歸櫻筍厨
滿室琴書懷燕几
一川風雨送行艖
勉哉早了功名債
要畫騎牛第二圖

先賢良與劉凝之
有廬山騎牛圖

觀碁

一枰翻覆戰枯碁慶弔相尋喜復悲失馬翁言良可信
牧豬奴戲未妨為白蛇斷處真成快黑幟空時又一奇
斂付兩奩來對酒泠泠聽我誦新詩

春行

蒨帽絲絲雨芒鞋策策泥柳斜風帶北花斂日平西社
酒誇新壓春蕪喜徧犁深村無客過父子自扶攜

雨霽春色粲然喜而有賦

應接年光老漸慵猶能一飲百分空半霑蝶粉簾櫳雨

遠送鶯聲巷陌風千縷麴塵楊柳綠萬枝猩血海棠紅
從來造物甄陶手却在閒人詩句中

幽思

雲際茅茨一兩間春來幽事日相關臨窓靜試下巖硯
欹枕卧看靈壁山紅練帶飛俱意得錦熏籠煖尚香慳

錦熏籠
捐瑞香

今朝社過添惆悵高棟巢空燕未還

贈持鉢道人

青鐵作小冠白紵縫短褐右扶九節杖左執七綴鉢何

嘗有定止到處可生活惟有烈士心白又不能奪相逢
一笑粲滯思得披豁揮袂去若飛跂望已天末

柳

楊柳春風綠萬條憑鞍一望已魂消當年鳳集城邊路
曾愛纖纖拂畫橋

又

西園雨打杏花稀便面章臺事已非只恐無情堤上柳
又將風絮送春歸

山園雜詠

祠祿留人未挂冠
山園三畝著身寬
百年竟向愁邊老
萬事元輸靜處看
花徑糝紅供晚醉
月天生暈作春寒
汗青事業都忘盡
時賴吾兒舉話端

又

殘春終日在林亭
散髮披衣醉復醒
科斗已成鼃閣閣
櫻桃初結子青青
魚遊滄海寧濡沫
禽慕雕籠即翦翎
薄晚東風吹小雨
笑攜長鏡伴畦丁

又


桃花爛漫杏花稀
春色撩人不忍違
俗客年來真掃迹
清尊日莫獨忘歸
魚行池面紅雲散
鵲起枝頭絳雪飛
莫道顛狂無訴處
卧看香篆掩齋扉

又

已過社雨尚春寒
小醉初醒怯倚欄
柳帶花移宜土潤
鶴和雛養要籠寬
孤翁白首投村社
諸彥青雲接羽翰
誰信幽居多樂事
晚窓兒女話團圓

又

春光何止二分空
寒食都無數
日中密葉成陰
花寂寂
舊巢添土燕
忽忽紙鳶收線
愁風惡
秧馬掀泥
喜雨濛
堪歎今年衰更甚
蒼顏縱醉不成紅



劍南詩藁卷三十一

欽定四庫全書

集部

劔南詩藁卷三十三

詳校官庶吉士臣陳若霖

主事臣呂雲棟覆勘

總校官檢討臣何思鈞

校對官修撰臣戴衢亨

謄錄監生臣楊浚明

欽定四庫全書

劔南詩藁卷三十二

宋 陸游 撰

雨夜書感

宦遊四十年歸逐桑榆暖皇恩念黎老一官猶置散春
殘桃李盡風雨閉空館有懷無與陳萬事付酒椀近代
固多賢吾意終不滿可憐杜拾遺冒死明房琯慷慨詎
非奇經綸恨才短羣敵滿中原令人歎微管

又

儒生不自貴執藝等卜祝詩書定何物為汝市爵祿唐
虞雖日遠凜凜猶在目誰能舉其要治功端可復平生
麤知此俛仰髮已禿一豪不獲施老病死巖谷安知萬
世後終無可封俗願廣稽古心端拱咨岳牧

鏡湖

躬耕蘄一飽閑閑望有年水旱適繼作斗米幾千錢鏡
湖決已久造既初非天孰能求其故遺跡猶隱然增卑

以為高培薄使之堅坐復千載利名託亡窮傳民愚不
能知仕者苟目前吾言固應棄悄悄夜不眠

舟中戲書

平生萬事付之天百折猶能氣浩然試問軟塵金絡馬
何如柔艣月侵船英雄到底是癡絕富貴但能妨醉眠
三百里湖隨意住人間真有地行仙

春晚懷山南

梨花堆雪柳吹棉常記梁州古驛前二十四年成昨夢

每逢春晚即悽然

又

壯歲從戎不憶家
梁州裘馬鬪豪華
至今夜夜尋春夢
猶在吳園藉落花

又

梁州一別幾清明
常憶西郊信馬行
桃李成塵總閒事
梨花楊柳最關情

又

身寄江湖兩鬢霜
金鞭未彈夢猶狂
遙知南鄭城西路
月與梨花共斷腸

春晚書齋壁

海棠已成雪桃李不足言
纖纖麥被野鬱鬱桑連村
穉蠶細如螳杜宇號朝昏
展墓秣餌美坐社黍酒渾
早筍漸上市青韭初出園
老夫下箸喜盡屏雞與豚
幽居亦何樂且洗兩耳喧
呼兒燒柏子悠然坐東軒

七十一翁吟

七十一翁心事闌坐叨祠祿養衰殘樽中無酒但清坐
架上有書猶縱觀吏部齒搖心悵望將軍髀滿淚洄瀾
客來共飯增羞澀小摘山蔬不掩盤

山茶一樹自冬至清明後著花不已

東園三日雨兼風桃李飄零掃地空惟有山茶偏耐久
綠叢又放數枝紅

晨起

初日破蒼烟零亂松竹影老夫起燒香童子行汲井平

生水雲身不墮車馬境願言學龐公全家事幽屏

春晚雜興

寂寂野人家柴扉傍水斜僧分晨鉢飯客共午甌茶燕
戶添新土蛛絲罥落花悠然便終日惟此送年華

又

澤國固多雨莫春猶薄寒兒童葺茶舍婦女賽蠶官閱
世年雖往為農興未闌窮途得一飽亦足慰艱難

又

池面萍初紫牆頭杏已青
攜兒撐小艇留客坐孤亭
相法無侯骨生年直酒星
正須遺萬事莫遣片時醒

又

小市湖橋北幽居石埭西
蒲深姑惡哭樹密秭歸啼
山茗封青箬村醕坵赤泥
平生汗簡手投老慣扶犁

又

病瘍無意緒閉戶作生涯
草草半盂飯悠悠一盃茶
笑

穿居士屨閒看女郎花

唐人謂辛夷為女郎花園中有此花一叢二百朵

莫問

明朝事忘家即出家

又

青梅薦煮酒綠樹變鳴禽處世已如客傷春無復心焚
香惟默坐曳杖亦幽尋一日悠然過深慙惜寸陰

齋中雜題

列屋娥眉不足誇可齋別自是生涯閒將西蜀團窠錦
自背南唐落墨花

又

小醉微吟過一春
人間儂是最閒人
龜毛拂子長三尺
拈起風光處處新

又

槑几硯涵鸚鵡眼
古奩香斲鷓鴣斑
絕知造物慙慙意
成就衰翁到死閒

又

幽居厭見凡花草
紅紫紛紛不復栽
自劖蒼苔換黃土

南山移得玉芝來

窗外新移雲門
玉芝一本甚茂

老疾戲自贈

年過七十日夜衰羸然骨立不支持一身百病作無時
飯且不足那論醫鏡中之人定是誰面骨突兀鬢成絲
買棺作冢計已遲一旦寧免累諸兒門前湖山可遨嬉
心雖欲往力不隨左車牙脫吁可悲問汝何不食肉糜
夜坐聞湖中漁歌

少年嗜書竭目力老去觀書澀如棘短檠油盡固自佳
坐守一窓如漆黑漁家裊裊起三更衰而不怨非凡聲

明星已高聲未已疑是湖中隱君子

上巳書事

單衣初著下湖天飛蓋相隨出郭船得雨人人喜秧信
祈蠶戶戶斂神錢黃雞煮臠無停筋青韭淹菹欲墮涎
丞相傳聞又三押衡茅未改日高眠

對酒

手摘醠醪剪牡丹山家草草亦杯盤溪頭一夜風吹雨
又作殘春幾日寒

自規

陸君拙自謀七十猶糲食著書如山身不一錢直默
自觀我生困弱良得力轉喉畏或觸唾面敢自拭世路
方未夷機穽寧有極但能常閉門尊拳貸雞肋

窮居有感

孤村烟草莫淒迷笠子蓑衣自架犁生計似蛛聊補網
弊廬如燕旋添泥人亡者舊多時學地廢陂湖失古隄
迂闊自知無著處敢因窮厄怨推擠

春夏之交風日清美欣然有賦

日鑄珍芽開小缶銀波煮酒湛華觴槐陰漸長簾櫳暗
梅子初嘗齒頰香戶戶祈蠶喧鼓笛村村乘雨築陂塘
年光何預衰翁事伴蝶隨鷺也解狂

又

天遣殘年脫馬鞵功名不恨與心違綠陂細雨移秧罷
朱舫斜陽擘紙歸花市丹青賣團扇象牀刀尺製單衣
白頭曳杖人爭看共歎浮生七十稀

又

芳潤園林不似貧年光無盡逐番新來禽顏色不禁雨
搏黍語言如惜春身外豈關吾輩事鏡中已換昔時人
神仙定未超塵俗猶插金貂侍帝晨

夜歸

疎鐘渡水來素月依林上烟火認茅廬故倚船蓬望

農家歎

有山皆種麥有水皆種杭牛領瘡見骨叱叱猶夜耕竭

力事本業所願樂太平門前誰剥啄縣吏徵租聲一身
入縣庭日夜窮笞荆人孰不憚死自計無由生還家欲
具說恐傷父母情老人倘得食妻子鴻毛輕

三月十一日郊行

到處人家可乞漿槐陰巷陌午風涼水陂漫漫新秧綠
山隴離離大麥黃父子力耕春漸老婦姑共織夜猶長
堯民擊壤雖難繼芹美懷君未敢忘

初夏行平水道中

老去人間樂事稀
一年容易又春歸
市橋壓擔萼絲滑
村店堆盤豆莢肥
傍水風林鶯語語
滿原烟草蝶飛飛
郊行已覺侵微暑
小立桐陰換夾衣

初夏幽居偶題

放逐還家一老翁
癡頑自笑更誰同
倚欄風月黃昏後
攜杖園林綠潤中
泳水小魚依藻荇
覓巢輕燕拂簾櫳
此身要豈堅牢物
莫遣須臾酒盞空

又

展盡高槐日漸長了無蜂蝶為花忙青梅旋摘宜鹽白
煮酒初嘗帶臘香林下光陰無一事水邊窓戶有餘涼
應門不用辭衰疾車馬何由到野堂

又

昔如轉戰墮重圍今幸騫翔脫駭機曉樹好風鷺獨語
夜窓細雨燕相依安居不恨蝸廬窄得食寧論鶴料微
更喜暮年強健在又看刀尺製縑衣

又

朱櫻羊酪喜新嘗
碧井桐陰轉午涼
書几得晴宜試墨
衣篝因潤稱熏香
枯龜自覺支牀穩
老馬安能試草長
半世學騷終不近
空餘清夢上沅湘

晨起

青青水中萍
粲粲牆下草
開歲纔幾時
已歎春事老
鳴禽傍窓戶
怪我倦幽討
長吟感人懷
病枕起亦早
下牀呼獠奴
浩蕩恣灑掃
綠陰列蒼石
芳尊得頻倒
客來但與飲
談天有何好
亦莫雕肺肝
吟哦學郊島

小圃

剡曲西邊築草堂小園聊復寄相羊
魚行水際汀蘋動麝過林中野草香
覓句有時攜筆硯遣懷隨事具杯觴
少年朋舊凋零盡不獨思人亦自傷

幽居

青門不種故侯瓜揀得湖山便寄家
老境一廛依水竹壯遊萬里犯風沙
氣衰那辨飲無算病著更知生有涯
吾道吾廬全索寞牆東新補數株花

夜賦

小齋寂寂似禪寮，卧數更籌覺夜遙。
帳外殘燈欺不寐，梁間棲燕伴無聊。
江湖蹭蹬朱顏改，憂患侵凌壯志消。
挂旆天山少年事，此身終負聖明朝。

閒中書事

病過新年逐日添，清愁殘醉兩厭厭。
惜花萎去常遮日，待燕歸來始下簾。
堂上清風生玉麈，澗中寒溜注銅蟾。
一生留滯君休歎，意望天公本自廉。

又

一畝山園半畝池
流年忽逮挂冠期
賣花醉叟剝紅桂
種藥高僧寄玉芝
午枕為兒哦舊句
晚窓留客算殘棋
登庸策免多新報
老子癡頑總不知

初夏

紛紛紅紫已成塵
布穀聲中夏令新
夾路桑麻行不盡
始知身是太平人

又

翦韭醢麇粟作漿新炊麥飯滿村香先生醉後騎黃犢
北陌東阡看戲場

又

稻未分秧麥已秋豚蹄不用祝甌簋老翁七十猶彊健
沒膝春泥夜叱牛

又

買得新船疾似飛蠶飢遙望采桑歸越羅蜀錦吾何用
且備幽人卒歲衣

又

槐柳成陰雨洗塵
櫻桃乳酪併嘗新
古來江左多佳句

夏淺勝春最可人

夏淺却勝春
徐陵詩也

又

杜鵑血盡啼未歇
蝴蝶夢殘心更狂
我自人間少情者
老來十倍惜年光

又

賜食金盤出寶闈
玄熊掌映紫駝蹄
侯家但詫承恩澤

豈識山厨苦賣齏

又

隋家古寺郡西南寺廢殘僧只二三
藜藿滿庭塵閣佛時聞鐃鼓賽春蠶

又

渺渺荒陂古埭東柳姑小廟柳陰中
放翁老憊扶藜杖也逐鄉人禱歲豐

又

老翁賣卜古城隅兼寫宜蠶保麥符日日得錢惟買酒
不愁醉倒有兒扶

四月旦作時立夏已十餘日

京塵相值各匆忙誰信閒人日月長爭葉蠶飢聞風雨
趁虛茶嬾鬪旗槍林中晚筍供厨美庭下新桐覆井涼
堪笑山家太早計已陳竹几與藤牀

春夏之交鳴鳥百族惟布穀聲最悲急動人戲作

十韻

春風捨人去陸子歎以驚欲挽春使回無奈布穀聲春
亦何負汝旦莫聲不停或謂布穀者一氣感使鳴春老
自當去微禽彼何情上天運四時斗柄亦崢嶸奈何獨
私春欲使久不傾南風吹衆綠一掃紫與頰此時豈不
佳乃爾懷不平勿作兒女態起視東郊耕

倚杖

倚杖柴門外踟躕到日斜兒童拾筍籜婦女賣茶芽掠
岸過漁艇隔離聞緯車年來詩料別滿眼是桑麻

野步

蝶舞疏畦晚鳩鳴麥野晴就陰時小息尋徑復微行村
婦窺籬看山翁拂席迎市朝那有此一笑慰餘生

竹窓晝眠

初夏暑雨薄但覺白日長向來萬里心盡付一竹牀新
筍出林表森然羽林槍時聞解箨聲靈府生清涼平生
喜晝眠此志晚乃償安枕了無夢孰為蝶與莊徐起掬
寒泉中有菱絲香清獻送落日與世永相忘

騰騰

騰騰吾喪我兀兀我忘吾萬事皆墮甌一身真朽株江
天號鶴鶴村巷暗楸梧薄酒猶堪醉歸來稚子扶

幽棲

閒人了無事地僻稱幽栖師米留雞食移琴避燕泥桐
生窓欲暗筍長徑還迷不作容車計門閭儘放低

又

誰謂幽棲陋茅茨足庇牀雨便梧葉大風度練花香浴

佛兒童喜縑絲婦女忙竭來三十載吾鬢固宜霜

乾道丙戌

始卜居鏡湖之三

山今甫三十年矣

睡起

虛堂四簷竹修修朱夏正午如高秋八尺風漪雲碧稠
一榻寬如禹九州屈信展轉俱自由息以兩踵無與喉
世方窘若魚吞鈎我獨超然鷹脫鞲一物不向靈臺留
非睡非覺以神遊青城紫閣多朋儔相逢握手笑不休
愁坐忽思南鄭小益之間

當年蜀道秦關萬里飄然往還酒病曾留西縣眼明初
見南山

又

籌筆門前芳草回龍道上青山萬里猶能夢到再遊未
信天慳

四月十三夜四更起讀書

七十未捐書正恐死乃息起挑窓下燈度此風雨夕

夏雨初霽題齋壁

楸花練花照眼明幽人浴罷葛衣輕燕低去地不盈尺
鵲喜傍簷時數聲對奕軒窓消永晝曬絲院落喜新晴
忽驚重五無多日采縷纏筒弔屈平

東窓

萱草石榴相續開數枝晚筍破蒼苔背人紅練穿林去
直是無情不再來

聞梟

兩忘堯桀自心平此念胡為掃復生幸是安眠無一事

苦憐鶯語惡梟聲

雨中示子聿

窮閭父子自相依寂寂茅廬映竹扉
瓜蔓水生初抹岸
練花寒動却添衣
吾玄自笑豈尚白
汝瘦元知能勝肥
苦學勿為干祿計
宦途雖樂不如歸

山園屢種楊梅皆不成
枇杷一株獨結實可愛
戲作長句

楊梅空有樹團團却是枇杷解滿盤
難學權門堆火齊

且從公子拾金丸枝頭不怕風搖落地上惟憂鳥啄殘

清曉呼僮乘露摘任教半熟雜甘酸

枇杷盡熟時鴉鳥不可復架故熟七

八分則取之

夢遊山寺焚香煮茗甚適既覺悵然以詩記之

平日居山恨不深暫來差足慰幽尋僧歸共說道逢虎
院靜惟聞風滿林毫盞雪濤驅滯思篆盤雲縷洗塵襟
此行殊勝邯鄲客數刻清閒直萬金

夏日

柴扉晝掩竹林幽坐使炎天變素秋扇月團團似初滿
簾波細細欲平流朋儕零落關河阻疾病沉綿歲月遒
賴有澄湖常在眼虎頭不用畫滄洲

巢山

巢山避世紛身隱萬重雲半谷傳樵響中林過鹿羣蟲
銹葉成篆風撼水生紋不蹋溪橋路僊凡自此分

又

短髮巢山客人知姓字誰穿林雙不借取水一軍持渴

鹿羣窺澗驚猿獨裊枝何曾畜筆硯景物自成詩

四月二十三日作

颭颭荷離水翩翩燕出巢苔添雨後暈筍放露中梢世
路千重浪生涯一把茅款門僧亦絕無句鍊推敲

又

莫笑茅廬迮何曾厭日長飯餘殮酪滑浴罷葛巾涼落
日桐陰轉微風梔子香貧家猶裹粽隨事畚年光

觀月

清風發疎林，皦月上素壁。
悠然倚庭楯，愛此風月夕。
人間好時節，俯仰成宿昔。
少年不痛飲，老大空歎息。

溽暑

溽暑雨將作，南風來解圍。
幽花臨砌坼，乳燕傍巢飛。
腰斧剥桑去，攜籃采藥歸。
翻憐少年老，疊雪詫宮衣。

晨起

衰老少睡眠，睡晚覺常早。
五更攬衣起，漏鼓猶考考。
青燈耿孤影，不睡坐亦好。
讀盡一編書，南窓朝日杲。

閒思

溝水細無聲
窓扉晚更明
簾開燕雙入
人靜鵲羣行
青李求初至
黃醅釀已成
出門無奈懶
不是傲公卿

又

小雨時時作
幽花續續紅
新蟬落庭樹
癡燕集屏風
傍枕拋書卷
臨池下釣筒
閒中有真樂
那得數途窮

梅天

稻壠移初遍
梅天澀未晴
輕陰昏茗色
餘潤咽琴聲
時

傍菱塘立還尋沙徑行杜門終此世更誓未來生

夜坐

燈暗一室幽鳥鳴四山靜道人坐倚壁度此清夜永少
時志功名癡絕如捕影造物遺以窮磨礪發深省坐令
盆盎淺渺渺波萬頃雖未造道真南轅終至郢

麥熟市米價減鄰里病者亦皆愈欣然有賦

凶年已度麥方秋學道從來幸寡求荷鋤自隨身若寄
漉離可賣飯何憂隣翁瀕死復相見村市小涼時獨遊

不怕歸時又侵夜新添略約跨清溝

雨中作

風聲如翻濤雨點如撒菽皇天念此老一為洗煩促呼
童取短檠聊展舊書讀悽然對孤影感歎衰鬢秃兀如
老病馬關河久在目伏櫪雖已疲連雲思苜蓿

夜雨

齒牙搖動鬢毛疎四壁蕭然卧草廬急雨聲酣戰叢竹
孤燈焰短伴殘書壯心未減從戎日苦學猶如覓舉初

自笑堅頑誰得似同儕大半已丘墟

乙卯重五

重五山村好榴花忽已繁
粽包分兩髻艾束著危冠
舊俗方儲藥羸軀亦點丹
日斜吾事畢一笑向杯盤

夏夜風雨極涼枕上口占

北窓八尺卧文藤夜雨生涼洗鬱蒸
裊裊新愁紫斷角悠悠孤夢伴殘燈
羸軀垂老嗟焉往公論猶存似可憑
聊向斯文圖不朽未甘粥飯學山僧

窮居

半世偃偃信所之窮居仍抱莫年悲
燒金術誤囊衣薄種黍年凶酒味醅
大厦萬間空有志後車千乘更無期
掩書常笑城南杜麻屨還朝授拾遺

思蜀

白首躬耕遇洊饑江南自笑欲疇依
凌烟勲業無人許濯錦園林有夢歸
心似遊僧思遠適身如敗將陷重圍
客來彊欲相寬釋每說人生七十稀

五月二十三夜記夢

夜漏欲盡雞初唱夢到神仙信非妄
泉流直舂碧澗底松根橫走蒼崖上
徐行林際遇飛橋峭壁驚濤臨萬丈
非惟履險足蹉跎已覺處憂神悄愴
空巖滴乳久化石寶蓋珠璣紛物象
鬼神慘淡疑欲搏龍蜃蜿蜒誰敢傍
長眉老仙乘白雲握手授我綠玉杖
三生汝有世外緣一念已斷塵中障
雖云曩事不復憶憐汝瞳子神猶王
何須更待熟金丹從我歸哉住崑閬

送葉尚書

曩歲榜扁舟萬里歸自蜀五月下瞿唐六月過浮玉於
時始識公一笑忘暑羽扇臨清流華觴跋紅燭一別
十五年去日如電速孤生晚還朝斂退慙陸陸要津非
所冀見公心自足斥歸又七載衰病將就木造物哀其
窮公來位岳牧每見語諄諄與世異寒燠聖朝方急賢
登用及釣築如公實舊德顧豈待夢卜初聞一札下已
報四輩趣懸知新天子虛懷頃啟沃願公論其大始為

天下福即宣垂拱麻寧復搞文宿

路傍曲

冷飯雜沙礫短褐蒙霜露黃葉滿山郵行人跨驢去

又

大道南北出車輪無停日彼豈皆奇才我獨飢至夕

又

淒涼路傍曲朱門人不知秋街槐葉落正是斷腸時

贈汪叔潛

火雲嵯峨如疊嶂百病攻衰非一狀低簷小屋桑竹村
忽辱君來問亡恙蹶然攬衣起闔門裏飯仍煩遠相餉
歲饑野外無供給羞澀餘糧不盈盎我守此窮三十年
尚恐死前無力量君誠不以老棄予苦語見規宜勿讓

出遊

莫笑衰殘百不能一枝筇杖捷飛騰山空野火焚秦篆
日澹烟蕪遍禹陵小浦漲潮迎釣艇疎鐘出谷送行僧
踟躕不覺歸途晚村落人家已上燈

劍南詩藁卷三十二